

Na osnovu člana 64. stav 1. tačka b), člana 70. stav 1., 3. i 6. Zakona o javnim nabavkama („Službeni glasnik BiH“, broj 39/14), na preporuku Komisije za provođenje postupka javne nabavke broj: 09-14-17746-4-7/18 od 28.09.2018.godine, u konkurentskom postupku za dostavu ponuda za nabavku radova za sanaciju lokalnog puta u MZ Željezno Polje, dionica Lager-Močila (dužina dionice I=800,00 m), Ministarstvo za rad, socijalnu politiku i izbjeglice Zeničko-dobojskog kantona, donosi

ODLUKU o izboru najpovoljnijeg ponuđača

Član 1.

Ugovor o izvođenju radova za sanaciju lokalnog puta u MZ Željezno Polje, dionica Lager-Močila (dužina dionice I=800,00 m), dodjeljuje se ponuđaču „Hajdić“ d.o.o. Maglaj za ponuđenu cijenu od **90.712,72 KM, sa PDV-om**, kao najbolje ocijenjenom ponuđaču.

Član 2.

Prijedlog ugovora o izvođenju radova dostavit će se na potpis izabranom ponuđaču „Hajdić“ d.o.o. Maglaj, po proteku roka od 15 dana, računajući od dana od kada su svi ponuđači obaviješteni o izboru najpovoljnije ponude, u skladu sa članom 72. stav 1. Zakona o javnim nabavkama.

Član 3.

Ova odluka objavit će se na web-stranici Zeničko-dobojskog kantona – www.zdk.ba, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke po konkurentskom zahtjevu, broj: 09-14-17746-4/17 od 20.09.2018. godine.

Javna nabavka je provedena putem konkurentskog zahtjeva za dostavu ponuda. Procijenjena vrijednost javne nabavke bez PDV-a: 77.634,56 KM.

Obavijest o nabavci broj: 1312-7-3-4-3-4/18 objavljena je 20.09.2018. godine na portalu javnih nabavki.

Komisija za provođenje postupka javne nabavke imenovana je Rješenjem ministra za rad, socijalnu politiku i izbjeglice Zeničko-dobojskog kantona broj: 09-14-17746-4-7/18 od 28.09.2018. godine.

Komisija za provođenje postupka javne nabavke sačinila je dana 28.09.2018. godine zapisnik o pregledu i ocjeni ponuda broj: 09-14-17746-4-7/18 sa preporukom ugovornom organu za zaključenje ugovora o izvođenju radova za sanaciju lokalnog puta u MZ Željezno Polje, dionica Lager-Močila (dužina dionice I=800,00 m), sa ponuđačem „Hajdić“ d.o.o. Maglaj čija je ponuda ocijenjena kao prihvatljiva u predmetnom postupku javne nabavke.

Komisija je utvrdila da ponude ponuđača „Almy-gradnja“ d.o.o. Zenica sa ponuđenom cijenom sa PDV-om od 128.139,99 KM i ponuđača „Geo-put“ d.o.o. Maglaj, sa ponuđenom cijenom sa PDV-om od 96.190,19 KM cijenom nisu odgovarajuće budući da ponuđeni iznosi premašuju planirana sredstva u Budžetu za ovaj postupak.

U izvještaju o radu Komisije za izbor najpovoljnijeg ponuđača utvrđeno je da je ista blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda - tri (3);
- da su blagovremeno zaprimljene - tri (3);
- da su neblagovremeno zaprimljene - nula (0);
- da je prihvatljivih ponuda – jedna (1).

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača, te ocjenu prispjelih ponuda, u skladu sa kriterijima iz tenderske dokumentacije.

Ocjenom provedenog postupka, nisu evidentirane nepravilnosti niti propusti u radu, koji bi eventualno bili osnov za neprihvatanje preporuke Komisije za izbor najpovoljnijeg ponuđača.

Naime, ocijenjeno je da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama („Službeni glasnik BiH“, broj 39/14), podzakonskim aktima, internim aktima i predmetnim konkurentskim pozivom.

Uvidom u priloženu dokumentaciju, nesporno je da je izabrani ponuđač najbolje ocijenjen zbog:

Najniže cijene, kako slijedi:

Rang ponuđača	Naziv ponuđača	Cijena sa PDV-om u KM
1.	„Hajdić“ d.o.o. Maglaj	90.712,72 KM

Iz navedenih razloga, primjenom člana 64. stav 1. tačka b) Zakona o javnim nabavkama („Službeni glasnik BiH“, broj 39/14), odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba Uredu za razmatranje žalbi BiH putem ugovornog organa-Ministarstvo za rad, socijalnu politiku i izbjeglice Zeničko-dobojskog kantona, ulica Kučukovići broj 2, Zenica, u roku od 5 (pet) dana od dana prijema ove odluke. Žalba se podnosi u najmanje tri primjerka.

Broj: 09-14-17746-4-8/18
Zenica, 01.10.2018. godine

Dostavljeno:
3x ponuđači,
1x a/a

 **MINISTAR**
Urdehan Šahinović